

432

31

救產金書
上

保產無憂方 右方八味 沃精選道地每月服三四帖 臨產多服數帖 每帖約七五文

熟地 二兩

炙甘草 二兩

歸身 四錢

黨參 四錢

龜板 醋炙 四錢

酒芍 二錢

玄參 干切 三錢

枸杞子 四錢

宣統元年三月 閩縣翁葆清兄詒孫在杭州

所傳云係秘方其夫人共產十餘胎服此方均平

安順利予亦傳親友多人服服均有奇效因

特補錄於此以廣流傳

民國六年閏三月十日 勳吾附後



序

從來有濟人之陰功者必享奕
世之遐福此非決之於數而決
之於理也夫天地有好生之德
而不能使之咸遂其生所藉以
維持調護挽回造化者人也昔

阿難尊者遇一婆子產難往而
白佛佛曰吾自有生來未嘗殺
人阿難往告婆子聞之而產難
遂免嗚呼佛之不殺天地之好
生一也有能使生不折副人無
天托其功豈在佛與天地後而

其福又豈可涯量乎曩歲癸丑
予奉

命校閱武闈得謝子修五見其
人則英年俊逸而復沉毅端方
見其文則素嫻韜畧而復局警
機圓已早識其爲大器榜後詢

及家世東山之苗裔而乃翁麟
生公爲文學名流毅然高尚性
極仁慈假岐黃以濟世故天錫
之以福而年逾耄耄克昌厥後
修五以青年得邀

天寵授以侍衛予旣喜得人而

又以其仁愛性成遂覺情逾父子後出汎粵東雖數年契濶未嘗不爲懸念近自運米塞外事竣來謁出乃翁手訂救產一書予閱之再三喟然嘆曰此真一片婆心也俾天下之子若母咸


遂其生其所全活寧可以數計
耶修五曰此書行於粵東江左
已兩易其版而不可復用今將
宦於薊北欲重付之剗劂以救
此一方生育者予甚喜其利濟
之心克成先志也自今以往謝

子必將大展經猷爲

皇家梁棟而其昆玉森藍亦皆
蔚蔚挺秀自當簪纓纍纍若予
之所謂有陰功必有遐福者不
更於此而可徵哉

康熙歲次丁丑仲春日

通家生 陳廷敬 撰



救產全書序

天地於舉凡民物必欲各遂厥
生而生有未遂勢不得不假權
聖人是以神農本草伊尹湯液
周禮醫師藥性方伎所繇設也
然羣生之內尤重始生故易乾

坤卽次屯蒙屯也者物形始肇
曲屈未伸有胎之象蒙也者物
生之初蒙昧未明有產之象曰
難生曰險止云者皆危道也故
蒙必言養而養蒙不若養屯坤
必言順而順坤卽以利蒙聖人

盖明明示以胎產不可不從事

醫藥尤不可雜幾微矯輓未諧

順養胎產者實人世之宗祧生

所由寄母子之呼吸命所由分

顧不重哉往讀遷史淳于億傳

醫師孫思邈書而必首載婦人

婦人尤首載求子妊娠養胎難
產則是古真仙之濟世與古良
史之傳心原自符合胎產之書
凡有家室者尤當置之几案昕
夕披攬使天地之生氣嘗存也
雖然其事旣已鄭重著述正未

易言卽有成編而亦未可輕試
殆必著述之人德量心智度超
羣倫懿行嘉言率循閭閻素有
濟世康時之術合於濂洛關閩
之儒生平經驗日積月累泚毫
削牘無言不據書始足傳傳始

足信惟吾

麟生謝先生是矣

先生東山後裔湛明經史蔚爲
碩士早年具經世才而不輕爲
世用據梧南郭滄露上池問道
求生戶外之屨恒滿遠邇憎服
不翅叔度太丘所著嘉言善錄

衛生養性諸篇豔傳寓內予與
交最深稔識先生德範芝根醴
源多所淳畜其季修五上承庭
訓捷於南宮扈從上林出而治
戎嶺表聲施蔚然頃以解組邀
遊燕趙一日會于上谷見其粵